

PANDUAN RASULULLAH SAW

(1) Berkata Abu Hurairah رَأْفَةُ الْمَسْعُودِيَّ رَضِيَ اللَّهُ عَنْهُ أَنَّهُ قَالَ: *اَنَّ اَرَبِيَّاً اَتَى النَّبِيِّ صَلَّى اللَّهُ عَلَيْهِ وَاٰلِهٖ وَسَلَّمَ فَقَالَ: دَلَانٍ اَلَّا 'اَمَالٍ اِذْهَبَ اَمَالَتُهُ دَخْلَتُ جَنَّةَ النَّعِيمِ، قَالَ: تَبَوَّعَ اللَّهُ لَا تُشْرِكُ بِهِ شَيْءًا، وَتَقِيمَ الصَّلَاةَ اَلْمَكْتُوبَةَ، وَتُؤْدِيَ الزَّكَاةَ اَلْمَفْرُودَةَ، وَتَسْعُمَ رَمَادَنَ، قَالَ وَالنَّبِيُّ صَلَّى اللَّهُ عَلَيْهِ وَاٰلِهٖ وَسَلَّمَ قَالَ: اَلَّا هَذِهِ حَدْثَةٌ اَنْ يَرْجُلَ مِنْ اَهْلِ جَنَّةِ النَّعِيمِ فَلَمْ يَزُورْهُ اَنْ يَرْجُلَ مِنْ اَهْلِ جَنَّةِ النَّعِيمِ.*” hadis Bukhārī dan Muslim.

Ertinya: Berkata Abu Ḥurairah bahawa seorang A'rābī telah datang kepada Rasulullah, lalu berkata: “Tunjukkan kepada saya satu amal yang kalau saya buat nescaya saya masuk syurga” Jawab baginda: “Sembahlah olehmu akan Allah dengan tidak menyekutukan sesuatu dengannya, dirikan olehmu akan sembahyang yang wajib, tunaikan olehmu akan zakat yang fardhu dan berpuasalah engkau dalam bulan Ramadhan”. A'rābī itupun berkata: “Demi Tuhan yang diriku di dalam genggaman kuasanya. Aku tidak akan berbuat lebih daripada itu. Setelah A'rābī itu pergi, maka Rasulullah berkata: “Barang siapa ingin melihat seseorang daripada ahli syurga, maka pandanglah kepada orang ini”.

Di dalam hadis ini junjungan kita telah menerangkan beberapa perkara yang kalau seorang itu amalkan nescaya menjadilah ia ahli syurga. Tidak syak lagi bahawa perkara-perkara yang disebutkan itu jika diamalkan semuanya dengan ikhlas akan menjamin syurga bagi seorang Muslim sekalipun ia tidak menambah lain-lain amal atas yang disebutkan itu.

Di dalam hadis ini juga nyata benar betapa mudahnya Islam itu dan tidak memberatkan atas pengikut-pengikutnya bebanan-bebanan yang tiada tertanggung. Bukan hanya mudah, malahan Islam itu bersifat (*Simple*) dan tidak banyak cerewetnya sebagaimana yang ditunjukkan oleh setengah-setengah alim ulama sekarang sehingga Islam itu telah kelihatan sebagai agama yang kusut dan rumit lagi sukar.

(2) Ibnu Abbas meriwayatkan bahawa Rasulullah telah bersabda “ *إِنَّمَا دُعَا مَنْ لَمْ يَأْتِ بِحَاجَةٍ إِلَيْهِ وَلَمْ يَأْتِ بِمُنْهَاجٍ إِلَيْهِ*” hadis Bukhārī dan Muslim.

Ertinya: “Berjaga-jagalah kamu atau takutilah kamu akan doa orang yang teraniaya kerana tidak ada tabir atau sekatan di antaranya dengan Tuhan”

Hadis ini memberi ingat bahawa doa dan permohonan orang yang teraniaya itu kepada Allah tidak akan ditolak, malahan makbul dan diterimanya.

Dengan hadis ini nyatalah betapa agama Islam itu bencikan kezaliman sehingga ia memberitahu kepada pemeluk-pemeluknya supaya berjaga-jaga jangan sampai kena tulah dari doa orang yang teraniaya atas orang-orang bukanlah khas kepada orang-orang Muslim sahaja, malahan orang-orang yang bukan Muslim pun tidak boleh dianiyaya. Doa orang yang teraniaya hatta ia bukan Muslim sekalipun, tiada akan dihamparkan oleh Tuhan sebabnya ialah kezaliman itu adalah suatu perbuatan yang terkeluar daripada peri kemanusiaan.

Mudah-mudahan orang-orang yang bukan Muslim atau orang-orang yang Muslim, tetapi takutkan dan bimbangkan Islam menjadi kuasa yang memerintah negara” Akan memerhatikan dengan ikhlas akan hadis Rasulullah Sallā allāh Alaih Wasallam itu. Tidak ada suatu yang mereka mesti takut dan bimbangkan kerana Islam itu adil semuanya dan benci kepada kezaliman.

Adakah orang-orang yang bimbangkan Islam itu berkuasa tidak sukaan keadilan? Dan adakah mereka itu

sukakan kezaliman yang sangat-sangat dibenci oleh Islam.

Tidak ada suatu faham di dunia ini yang telah memburukkan dan mengaji kezaliman lebih daripada Islam. Ayat-ayat Quran dan hadis-hadis terlalu amat banyak yang mengutuk dan mengajar dengan kerasnya akan kezaliman. Kiranya tidak kerana takut akan meleret-leret panjang nescaya saya salinkan di sini semua ayat-ayat Quran dan hadis-hadis itu tetapi insha-Allah pada lain masa dapat dihidangkan dalam majalah ini akan selaran-selaran yang hebat yang dilancarkan oleh Islam atas kezaliman dan orang-orang yang zalim.

(3) Abu Musa Raqī Allāh anhu meriwayatkan satu hadis katanya: “Qalu! Ya Rasulullah! *Iya al-Islām afdal ? qāla man salima al-muslim min lisānihi wayadihi.*” Hadis Bukhārī dan Muslim.

Ertinya: “Sahabat-sahabat telah bertanya kepada Rasulullah iaitu Islam manakah yang lebih afdal? Jawab baginda: Ialah Islam seorang yang orang-orang Islam lain terselamat daripada lidahnya dan tangannya”.

Hadis ini memberi erti bahawa orang Islam yang baik ialah orang yang tutur katanya (fatanah dan pesonanya) dan tangannya yakni amal anggota tubuhnya tidak membencanakan orang lain. Kalau seorang Muslim itu oleh kerana mulutnya atau anggotanya. Maka orang lain terbahaya. Maka orang itu tidak termasuk di dalam golongan Muslim afdal atau lebih baik.

Maksud dan kehendak hadis ini jika dijalankan dengan bercermat seberapa yang dapat supaya orang lain tidak kena bencana dan bahaya mulut dan anggotanya. Nescaya masyarakat manusia akan tenteram dan aman damai. Adapun yang menjadikan sesuatu masyarakat itu huru hara dan ribut ialah kerana setengah-setengah anggotanya celupar mulutnya dan ganas atau buas kaki tangannya. Orang tua-tua kita pernah berkata: “Kerana santan pulut binasa, kerana mulut badan binasa” bidalan ini menunjukkan betapa besar bencananya mulut atau lidah atas diri seseorang dan atas sesuatu masyarakat.

(4) Abbas meriwayatkan satu hadis. Katanya: Sabda

Rasulullah *ṣallā Allāh ‘alaih wa ‘ālih wa sallam*: “*lā yūminu aḥadukum hattā akūna aḥabba ilayhi min wwaladihi wa wālidihī wa al-nās ajma ‘in*” hadis Bukhārī dan Muslim.

Ertinya: “Tiada akan beriman seseorang daripada kamu, melainkan ia kasihkan aku lebih daripada kasihnya kepada bapanya, anaknya dan sekalian manusia”.

Hadis ini terang maksudnya iaitu seorang Muslim itu tiada akan beriman melainkan ia kasihkan baginda Rasulullah lebih daripada kasihnya kepada sebarang lain orang hatta bapa dan anaknya sekalipun.

Adapun makna kasih kepada Rasulullah itu bukanlah hanya setakat cinta kepada dirinya malahan kasih yang sebenarnya kepadanya dan yang menjadi satu daripada rukun iman ialah kasih kepada ajaran-ajarannya dan pertunjukkan yang dibawanya iaitu dengan mengikut segala perintah-perintahnya dan menjauhi segala larangan-larangannya.

Orang yang mengaku kasih kepada Rasulullah pada hal dengan perbuatannya ia melanggar sempadan-sempadan Islam dan menceroboh kawasan-kawasan larangannya, maka kasihnya itu adalah palsu dan tiada akan membawanya kepada iman yang sejati. Makna ini adalah didapati di dalam satu hadis lain yang maknanya lebih kurang begini: “Tiada akan beriman seorang daripada kamu melainkan setelah segala kemahuannya tunduk di bawah ajaran-ajaran yang aku (Rasulullah) bawa.”

Dengan kandungan hadis yang disebutkan ini nyatalah bahawa kasih kepada Rasulullah itu maknanya ialah tunduk dan taat kepada ajaran-ajaran yang dibawanya dan bukan hanya kasih dengan mulut sahaja.

Kasih atau cinta itu adalah suatu perasaan batin yang tiada boleh dilihat, oleh itu bagi menunjukkan adanya kasih itu mestilah dibuktikan dengan amal perbuatan. Tiap-tiap kasih yang tidak ada buktinya dari amal perbuatan dan tiada pengorbanan kerananya adalah palsu jua.